



Bosnia and Herzegovina
Federation of Bosnia and Herzegovina

CANTON SARAJEVO
Ministry of Culture and Sports

Broj: 12/-01-05-23628-23/19
Sarajevo, 05.11.2019. godine

VLADA KANTONA

SKUPŠTINA KANTONA

n/r Premijer

Predsjedavajući Skupštine
(Ovdje)

(Ovdje)

Predmet: Odgovor na zastupničko pitanje zastupnika Senada Hasanovića

Zastupnik Senad Hasanović je na Desetoj radnoj sjednici Skupštine Kantona Sarajevo, održanoj 24.06.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, postavio je zastupničko pitanje:

“ Da li su u toku bilo kakve aktivnosti na modernizaciji JU Biblioteke Sarajeva, jačanju ljudskih resursa ove ustanove, te rekonstrukcija dotrajalih objekata?”

**Prilog: Zastupničko pitanje zastupnika Senada Hasanovića
broj: 01-05-23628-23/19 od 24.06.2019. godine**

U odgovoru na zastupničko pitanje ističemo slijedeće


U prilogu dostavljamo Odgovor broj: 01-4-1331/19 od 07.11.2019. godine iz Javne ustanove Biblioteka Sarajeva na citirano zastupničko pitanje.

Koordinator izrade odgovora
na skupštinska pitanja i inicijative
Dragan Vujmilović



Dostavljeno:

1. Stručna služba Vlade Kantona Sarajevo
2. Služba za skupštinske poslove Kantona Sarajevo
3. a/a



web: <http://mks.ks.gov.ba>
e-mail: mks@mks.ks.gov.ba
Tel/fax: + 387 (0) 33 562-062
Sarajevo, Reisa Džemaludina Čauševića 1



Broj:01-4-1331/19

Datum: 7.11.2019.

SKUPŠTINA KANTONA SARAJEVO

Predsjedavajućem Skupštine Kantona Sarajevo g. Elmedinu Konakoviću

PREDMET: Odgovor na zastupničko pitanje g. Senada Hasanovića

Poštovani g Konakoviću,

U skladu s odredbama Poslovnika Skupštine Kantona Sarajevo („Sl. novine KS“ br 41/12) dostavljam Vam u pisanom obliku odgovor na zastupničko pitanje zastupnika g. Senada Hasanovića u vezi „aktivnostima na modernizaciji JU Biblioteke Sarajevo, jačanju ljudskih resursa te rekonstrukcije dotrajalih objekata“ koje je postavio na Desetoj radnoj sjednici Skupštine KS održanoj 24.6.2019.g. a dostavljenog nam na odgovor 7.11.2019.g.

ODGOVOR:

Kontinuirano povećanje broja korisnika usluga JU Biblioteke Sarajevo i rekordni iznosi vlastitih, vanbudžetskih prihoda u direktnoj su koleraciji sa povećanjem broja pozajmnih odjeljenja (od ove godine sa šesnaest na sedamnaest – reprezentativno odjeljenje galerijskog tipa u Dječijoj kući na Grbavici) i proširenjem palete najsavremenijih bibliotečkih usluga (bookcrossing, biblioterapija, iznajmljivanje e-čitača knjiga i micro:bitova, digitalizacija raritetnih knjiga, strip i restauratorske radionice, književne matineje i programi, EU projekti koje s velikim uspjehom realiziramo već tri godine...).

U Biblioteci Sarajevo je 2015. godine radilo 60 uposlenika a danas, kada imamo više korisnika i odjeljenja, kada pružamo daleko više usluga i kada su uvedene radne subote, imamo samo 51 uposlenika (28 VSS, 2 VŠS, 6 VKV, 14 SSS, 1

NSS), što je postaje ozbiljan limitirajući faktor za dalji razvoj institucije i veliki problem s obzirom da imamo sedamanest odjeljenja disperziranih od Vratnika do Hadžića. Ukratko, 2015. godine je daleko manji obim posla opsluživalo daleko više uposlenika.

U junu 2019. godine u penziju je otišla jedna knjižničarka, u oktobru je u penziju otišla teh. sekretarica, početkom novembra voditeljica Američkog kutka je raskinula radni odnos zbog rada na doktorskoj disertaciji, a u decembru se penzionira dipl. pravica. Naša višestruka obraćanja da dobijemo saglasnost na prijem novih uposlenika/ica na upražnjena mjesta ostaje bez odgovora i saglasnosti nakon koje, kada je i ako je dobijemo, slijedi nova, kompliciranija ali transparentnija procedura prijema. Ulažemo značajne napore u edukaciju bibliotekara finansirajući kurseve stručnog usavršavanja te na taj način proširujemo tim za apliciranje na EU fondove, s obzirom da ove godine namjeravamo učestvovati s dva projekta.

Također, neophodno je u narednom periodu dobiti saglasnost za prijem jedne čistačice i dva/dvije bibliotekara/ke, umjesto onih koje su penzionirane u 2015. godini, čime bi se - bez narušavanja moratorija o zapošljavanju kojeg se striktno pridržavamo! - doveli u kadrovsko stanje od prije četiri godine, ali i dalje daleko od optimalnog broja (95 uposlenika) utvrđenog reduciranom sistematizacijom iz 2017. godine

Što se tiče rekonstrukcije dotrajalih objekata JU „Biblioteka Sarajeva“ se kvalificirala za program „Zeleni ekonomski razvoj“ koji predviđa rekonstrukciju krova, zamjenu dijela stolarije i utopljavanje dvorišnog dijela zgrade u Miss Irbinov 4 koju smatramo najugroženijom. Riječ je o projektu UNDP-a, Vlade Švedske i Ministarstva za prostorno uređenje i zaštitu okoliša KS koji investiraju u ove radove 74.955,84 KM. Odabrani izvođač će početi s radovima odmah nakon što nadležna Služba za urbanizam Općine Centar izda urbanističku saglasnost a radovi bi, u zavisnosti od vremenskih prilika, trajali maksimalno 60 dana.

Među sedamanest pozajmnih odjeljenja disperziranih od Vratnika do Hadžića, nekoliko smo osposobili i promijenili im vizuelni identitet do reprezentativnog nivoa (Dječija kuća, Multimedijски centar Mak, Američki kutak, Njemačka čitaonica, Dječiji kutak u Radićevoj...), ostala odjeljenja se domaćinski održavaju, planski i redovno kreće, obnavljaju se police za knjige i podne podloge, dok je odjeljenje u Paromlinskoj 44, uprkos stalnom krećenju i

investicionom održavanju, u takvom stanju da se ne isplate veća ulaganja u zgradu čiji nismo vlasnik. Zapravo, Biblioteka Sarajeva je samo vlasnik odjeljenja Mak u Alipašinoj, dok za ostala plaća manju ili veću zakupninu i to uglavnom za poslovne prostorije koje općine, kao njihovi vlasnici, ne mogu zbog lokacije ili stanja u kojem su, izdati pod povoljniji zakup nekim privrednim subjektima. Samo su odjeljenja Mak i u Dječijoj kući namjenski pravljeni da budu biblioteke, sva ostala su nastala prilagođavanjem i izmjenama prvobitne namjene, što je svakako otežavajuća okolnost.

Uprkos objektivno nedovoljnom broju uposlenika koji opslužuju devet službi i sedamnaest pozajmnih odjeljenja Biblioteke Sarajeva, napravljeni su očigledni iskoraci u podizanju kvaliteta usluga, afirmaciji institucije i redizajniranju njenog vizuelnog identiteta, novog sajta www.bgs.ba i instaliranju dizajniranih folija na izloge u osam pozajmnih odjeljenja, gdje su za to postojale tehničke mogućnosti.

Strateški važan korak u modernizaciji učinjen je u 2018. godini uvođenjem COBISS 3 (kooperativni online bibliografski sistem i servisi) u svih sedamnaest pozajmnih odjeljenja, što nas definitivno svrstava u moderne javne biblioteke.

S poštovanjem,

DIREKTOR

Zlatko Topčić